



Txoj Cai Tswj Hwm Kev Pab Nyiaj Txiag – Cov Ntsiab Lus Tseem Ceeb

Peb nkag siab tias yeej muaj sij hawm thaum cov neeg mob tsis muaj peev xwm them taus lawv cov nqi hauv tsev kho mob. Txoj Hauj Lwm Pab Nyiaj Txiag Ntawm Froedtert Health (Froedtert Health Financial Assistance Program) raug tsim los pab rau cov neeg mob uas muaj cai tsim nyog tau txais kev pab tag nrho los sis tau txais keb pab ib txhia ntawm cov nqi hauv tsev kho mob rau kis kho mob xwm txheej ceev los sis kho mob tseem ceeb los ntawm Froedtert Health's Financial Assistance Program. Qhov no yog cov ntsiab lus hais txog Txoj Cai Tswj Hwm Kev Pab Nyiaj Txiag Ntawm Froedtert Health thiab txheej txheem thov kev pab nyiaj txiag.

Kev Npaj Txhij ntawm Kev Pab Nyiaj Txiag: Cov neeg mob uas tsim nyog tau txais kev saib xyuas rau hauv tsev kho mob, xa ib Daim Ntawv Thov Kev Pab Nyiaj Txiag (suav nrog cov ntaub ntawv xav tau thiab lwm cov ntaub ntawv), thiab raug txiav txim muaj cai tsim nyog rau cov kev pab raws li Txoj Cai Tswj Hwm Kev Pab Nyiaj Txiag Ntawm Froedtert, yuav tsim nyog tau txais cov nyiaj pab them rau cov nqi saib xyuas mob nkeeg hauv tsev kho mob. Thov nco tias muaj qee yam kev saib xyuas mob nkeeg uas tsis tsim nyog raug pab nyiaj txiag, piv txwv xws li kev cog khoom hauv nruag nrog cev, kev kho kom zoo nkauj, kev kho qhov rog, tshuaj noj kom muaj taus me nyuam thiab lwm cov kev saib xyuas.

Kev Tsim Nyog Rau Kev Pab Nyiaj Txiag: Feem ntau, cov neeg mob uas tsim nyog rau kev pab nyiaj txiag los ntawm Txoj Hauj Lwm Pab Nyiaj Txiag yog saib raws li theej nyiaj khwv tau los ntawm lawv yim neeg thiab lwm yam khoom muaj nqi. Cov neeg mob thiab/los sis cov pawg neeg saib xyuas hauv yim neeg cov nyiaj khwv tau los yuav tsum tau txog 250% ntawm Tsoom Fwv Theem Neeg Txom Nyem los sis tsawg dua thiab li yuav tsim nyog raug txo tus nqi ntau txog 100%. Cov neeg mob thiab/los sis cov pawg neeg saib xyuas hauv yim neeg cov nyiaj khwv tau los tshaj 250% ntawm Tsoom Fwv Theem Neeg Txom Nyem tej zaum yuav tsim nyog tau txais kev txo tus nqi txij 65%-90% raws li kis tsim nyog. Yeej tsis muaj leej twg uas tsim nyog rau cov nyiaj pab hauv Txoj Hauj Lwm Pab Nyiaj Txiag yuav tau them cov nqi rau kis saib xyuas mob nkeeg xwm txheej ceev los sis lwm yam kev saib xyuas mob nkeeg tseem ceeb siab dua cov nqi uas ib txwm sau rau cov neeg uas muaj is saws las them nqi duav roos rau cov kev saib xyuas no. Yog koj thiab/los sis pawg neeg saib xyuas hauv yim neeg muaj is saws las txaus them duav roos los sis tseem muaj nyiaj txaus them rau nej cov nqi saib xyuas mob nkeeg hauv tsev kho mob, tej zaum koj yuav tsis tsim nyog rau cov nyiaj pab.

Yuav Tau Cov Ntaub Ntawv Los Li Cas: Tej zaum yuav tau cov ntaub ntawv thov Kev Pab Nyiaj Txiag (thiab kev pab sau daim ntawv thov kom tiav) thiab Txoj Cai Tswj Hwm Kev Pab Nyiaj Txiag Ntawm Froedtert raws li cov chaw nram qab no:

- Tau ib daim ntawv thov rau ntawm lub rooj txais neeg nkag mus rau hauv lub tsev kho los sis lub tsev lis hauj hwm ntawm Feem Saib Xyuas Nyiaj Txiag Rau Tus Neeg Mob uas nyob rau hauv txhua lub tsev kho mob ntawm Froedtert Health.
- Hu xov tooj mus thov kom xa ib daim ntawv thov kev pab tuaj rau dawb rau ntawm 414-805-5951.
- Thov kom xa ib daim ntawv thov kev pab xa tuaj rau ntawm: Froedtert Health, Inc., Patient Financial Services, 400 Woodland Prime, N74W12592 Leatherwood Court, Menomonee Falls, WI 53051.
- Rub ib daim ntawv theej ntawm daim ntawv thov kev pab hauv Txoj Cai Tswj Hwm Kev Pab Nyiaj Txiag ntawm Froedtert thiab/los sis rub ib daim ntawv thov kev nyiaj txiag tau dawb los ntawm Froedtert Health lub website: www.froedtert.com/financial-services.

Cov ntsiab lus tseem ceeb no, Txoj Cai Tswj Hwm Kev Pab Nyiaj Txiag, thiab daim ntawv thov Kev Pab Nyiaj Txiag muaj sau ua ntawv Spanish rau ntawm txhua lub chaw ua hauj lwm uas muaj npe raws li hais los saum toj saud.

Thov saib raws li txhua Txoj Cai Tswj Hwm Kev Pab Nyiaj Txiag yog xav paub cov lus piav qhia txhij txhua thiab cov ntsiab lus ntawm Txoj Hauj Lwm Pab Nyiaj Txiag Ntawm Froedtert Health.